

續修舒城縣志卷三十三

人物志

名臣

仕宦而至將相此人情之所榮而名之稱不稱不係乎此若夫隱居求志行義達道乃命世之英也豈尋常一二比數哉舒有朱邑於世蓋遠然天下後世無賢不肖知與不知咸慕其聲教言爲政者樂引以爲名豈非至賢周榮周景等雖不得久居位然內行修潔持大體數直諫守義難惑以非此其類誠有足風者其後有高勗任之鏞諸人國史鄉評永垂不朽亦可爲後世法述人物志名臣

漢

續修舒城縣志

卷三十三

人物志 名臣

一

朱邑字仲卿少爲舒桐鄉畜夫廉平不苟以愛利爲行未嘗笞辱人存問耆老孤寡遇之有恩吏民愛敬焉遷太守卒史舉賢良爲大司農丞遷北海太守以治行第一入爲大司農惇厚公正不可交以私貢薦賢士大夫多得其助者居處儉節祿賜以共九族鄉黨神爵元年卒下詔稱賜邑子黃金百斤以奉祭祀初邑病且死屬其子曰我故爲桐鄉吏其民愛我必葬我桐鄉後世子孫奉嘗我不如桐鄉民其子葬之桐鄉西郭外民果共爲起冢立祠歲時祠祭至今不絕

崇祀鄉賢

通志

周榮字平孫肅宗時舉明經辟司徒袁安府安舉奏實景及與實憲爭立北單于事皆榮所具草實氏客太尉掾徐齡深

惡之替榮曰子爲袁公腹心之謀排奏實氏實氏悍士刺客

滿城中謹備之矣榮曰榮江淮孤生蒙先帝大恩歷宰二城

今復得備宰士縱爲實氏所害誠所甘心故常敕妻子若卒

遇飛禍無得殯殮冀以區區腐身覺悟朝廷及實氏敗榮由

此顯名自鄧令擢爲尙書令出爲潁川太守坐法當下獄和

帝思榮忠節左轉其令復以爲山陽太守所歷郡縣皆見稱

紀以老病乞身卒於家詔特賜錢二十萬除子男興爲郎中

後漢書 崇祀鄉賢與自有傳

周景字仲饗興之子也辟梁冀府遷豫州刺史河內太守好

賢愛士其拔才薦善常恐不及徵入爲將作大匠以故吏免

官朝廷以景素著忠正復引拜尙書令代劉寵爲司空是時

續修舒城縣志

卷三十三

人物志 名臣

二

宦官任人及子弟充塞列位景初視事與太尉楊秉舉奏諸姦猾自將軍牧守以下免者五十餘人遂連及中常侍侯覽貝瑗皆坐黜朝廷莫不稱之復代陳蕃爲太尉建寧元年薨以豫議定策立靈帝進封安陽鄉侯長子崇嗣至甘陵相中子忠少歷列位累遷大司農後爲太尉錄尙書事以災異免復爲衛尉從獻帝東歸洛陽忠子暉爲洛陽令棄官來京師爲董卓劫殺

後漢書

三國

周瑜字公瑾漢太尉景之從孫也父異洛陽令瑜長壯有姿貌孫堅起義討董卓徙家於舒堅子策與瑜同年友善瑜推道南大宅以舍策升堂拜母有無相通瑜從父尙爲丹陽太

守瑜往省之會策將東渡到歷陽瑜將兵迎之策大喜曰吾得卿諸也遂從策攻戰屢有功策使瑜還鎮丹陽袁術遣其弟代尚與瑜俱還壽春術欲以瑜爲將瑜觀術終無所成求爲居巢長遂自居巢遷吳策親迎瑜授建威中郎將時年二十四吳中皆呼爲周郎策薨權統事瑜與張昭共掌眾事曹操入荊州權眾皆懼瑜獨說權以兵擊之遂統程普等合劉備共拒操於赤壁以計燒其船及營落大敗操拜偏將軍領南郡太守詣吳見權欲謀取蜀還江陵爲行裝而道於巴江病卒年三十六權素服舉哀長男循尚公主拜騎都尉早卒循弟允拜興業都尉封都鄉侯瑜兄子峻亦以瑜元功爲偏將軍

通志

五代

高勗吳太祖起淮南辟掌書記時軍興事繁用度不足太祖欲以茶鹽易民布帛勗諫曰兵火之餘十室九空又漁利以困之將復離叛不若盡我所有易隣道所無足以給軍選賢守令勸課農桑數年之間倉庫自實太祖以其言爲然悉從之田頴聞之曰仁人之言其利溥矣正勗之謂也

十國春秋吳列傳

宋

張肅仕廣東轉運判官以直諒稱後爲江東提點刑獄自司馬光以下七十四人皆一時名流分韻作詩以贈其行官終都官其後三世登第

省志府志作肅江人今仍舊志

張徵字新仲博士工文辭世稱奇士建炎二年爲御史中丞

三月己巳疏劾黃潛善汪伯彥大罪二十條除尚書右丞夏四月癸丑罷知江州以資政殿學士兼江東湖北制置使七月甲申謫授秘書少監分司西京居衡州自號澹巖居士崇祀鄉賢

一統志江南通志

明

汪河儁儻有智畧嘗師余闕以文章名從太祖渡江爲行中書省掾數陳時務太祖高其才進大都督府都司使察罕議論稱旨後奉命至河南報庫庫特穆爾聘爲所留太祖前後七致書終不報洪武元年大軍下河洛庫庫特穆爾走定西河始得歸被拘凡六年抗節不屈帝甚嘉之比於漢蘇武進吏部侍郎備陳西征方畧多從之二年秋改御史臺都御史

九年拜晉王左相帝親御便殿諭遣之在王所稱賢卒於官

崇祀報功祠

楊元果傳通志忠節

鄭泰字景陽端敏有器量孝事父母與弟觀弁極友愛永樂庚子領鄉薦明年成進士任吏科給事中忠言讜論切中當時利弊正統庚申進都給事中遷刑部侍郎獻訟公恕帝賜璽書褒異焉先是嘗以註誤被繫內臺御史范琳倚法挫辱之至是范繫獄泰廉得范冤諭獄吏待以禮爲白得脫嘗語人曰臨獄但論事勿論人可也考察僚屬責義量力不苛譴細微過失去其太甚而已天順初遷吏部左侍郎卒賜祭葬崇祀鄉賢子明有父風

一統志通志宦績

葉鸞字應和景泰辛未進士任戶部員外郎陞貴州參議貴

雜獠難治鸞廉靜忠恕按部所至獠人赴愬多持黃金名馬求直盡卻之一斷以法有宣慰縛人刳其腸藩臬諸司莫敢糾鸞馳論卽謝罪又宣慰有奪嫡者僉允其請鸞獨不署名親老授副使終養家宰尹公深惜之崇祀鄉賢

一統志通志

鄭時字宗良天性孝友爲人簡重寡言景泰辛未進士授山東道監察御史上疏陳四事多爲用事者忌謫河南內鄉令三載都御史王竑力薦之遷延平守有異政以憂去民爲立去思碑父母喪皆廬墓三年有白兔繞塋白鵲巢樹有司上其事時追止之歲饑發廩煮粥以活饑者里有貸悉焚券服闋擢都御史巡撫陝西陝大饑奏請蠲逋租停雜派又以時言詔湖廣米十萬石銀二十萬兩往賑民大蘇陝多山故患

續修舒城縣志

卷三十三

人物志 名臣

五

礦盜出沒無定兵民皆苦奏設甯羌等處巡司寇皆遁去成化末有挾左道得幸者上疏論之陳利國保民五事直切忤旨謫貴州布政司參議陝中老幼號泣遞送至灞橋者萬計宏治改元嘉其忠召爲左副都御史進兵部侍郎歷南刑部尙書致仕歸家無餘財仍舊居茅屋蔽風雨而已卒贈太子少保賜祭葬崇祀河南南陽府陝西西安府名宦祠並祀鄉賢

江南通志

子如阜字厚天官北京兵馬司指揮以父廕

歷襄陽府同知進四品官服致仕歸孝友敦厚自幼嗜學老不釋卷

秦鳳字子儀建文庚辰進士知湖北興山縣奏免秋糧並紅馬船時兵強民弱子女有爲夷陵軍掠爲奴婢者皆爲贖取

民甚德之擢給事中以言事改衛輝府同知卒於官鳳持守清約當永樂時所著有太平歌皇嘉祥詩營建宮闕賦仁宗踐阼進輔政策二十五道稱旨詔付史館有高岡遺稿藏於家祀鄉賢

通志文苑

秦民悅字邦約一字崇化家貧好讀書登天順丁丑進士年二十二授行人遷工部員外郎監製造時中貴多私剋又以年少頗爲難民悅裁抑不少貸出爲廣平知府雪死囚十九人於郡署設學舍士人質經就課者親洽如師生值大水城不沒數版民悅禱之水立退清牧馬地三千五百頃招集流亡六千戶給種使耕種以所入備荒賑課最爲天下第一擢江西參政遷右副都御史巡撫荊州等處屬歲旱奏請蠲民

續修舒城縣志

卷三十三

人物志 名臣

六

賦勳戚皇莊佃人恃勢爲民害前御史數按不能竟民悅條治之如法曰畿輔近地尙敢爾若弗誅後不可治所侵據悉還民上以爲能遷南京吏部尙書以星變偕九卿陳時政二十三事多議行卒謚莊簡賜祭葬贈太子少傅有敝庵集行世崇祀鄉賢

一統志通志

姚壽字維祺成化甲辰進士授行人擢御史懇直不阿主意

二十年不遷嘗自語曰迎合以求官縱愛官奈辱身何正德中累疏劾劉璟蠱惑上心變法亂政擅作威福殘害良善若不亟誅社稷危亡卽在旦夕璟卿之謫貴州驛丞行未至悉自裁死抗直遭難聞者哀之崇祀鄉賢

附志忠義

時有郭智者工文辭由明經任雲南道御史彈劾不避權貴亦以賢直稱

濮中玉字琢如居曉陽因號焉生而穎異讀書日數行下年十七遊泮萬歷丁未成進士授浙江長興縣令精力於職權勢犯奸者欲私謁自謝罪絕弗爲通士民乃相戒曰此嚴父也長興低窪患水靈雨沒田舍民數萬聚哭署前中玉泣曰我罪也齋戒徒步謁城隍與神約三日晴不則毀廟三日果霽調泰和置義學八曰孝弟忠信禮義廉恥使士各自勵置義田數百畝救飢乏都憲鄒元標有兩袖清風不改一輪明月當空之薦陞南京吏部驗封司大司馬郭子章爲立碑以誌思轉尚寶司卿南京太僕寺卿以忤魏忠賢致仕歸遇鄉里利病言無隱時賦役以百十戶爲一里里簽一有力之家充里長日大戶收解走遞抗欠皆於取足中人之產動輒爲

破奸者又或浮收漁利焉中玉議請除之民賴其便有要宦侵據邑秦氏祖塋地秦控賄坐秦誣控罪當戍中玉爲揭當事白其冤得釋其以難自任類如此捐五百金修聖廟元舊觀傾圯亦出貲募眾新焉年九十卒

方夢楨

舊志作正

字伯瑞號兆麟爲人孝友誠樸無妄行崇禎

己府志誤

卯貢於鄉登庚辰特用科進士授工部主事督廠

務度支徵實無浮費監寺王廉素驕倨請廠舊奉金錢求爲

地夢楨不與一錢廉亦心懼不敢與爲難監寶源局得鑄餘

值千金封入官不取北直某擬改折漕三十萬便礙朝士無

決議夢楨曰根本重地足食爲先力爭止之直聲振海內遷

本部員外郎敕督徐淮中河時河道淤淺漕運久阻夢楨理

徐呂二洪引黃河自封邱金龍口下與汶水合經徐呂二洪南入淮漕自淮直達河漕道通汴口決將二百里壞城垣廬舍溺死男婦不可勝數親相度水勢巡視修築數閱月堤成比舊增倍厚瘡病形於色總漕有儉以持身勤以任事總河有河漕兩利國而忘家之薦府志

胡守恆字見可號吉雲宋文昭公安定先生胡瑗裔也自烏程遷舒以鵠與鶚始世業農五世祖福早死妻史氏有遺腹生仕祥性孝冬夕母寢必先以身翼被有司旌其門仕祥生珊珊生澤舉鄉飲賓事繼母黃亦稱孝澤生應文太學生以子守恆貴贈翰林院編修守恆事親孝母汪氏歿極哀毀每霜露輒感泣事繼母趙如所生年二十三爲諸生旋充選貢

生天啟甲子應天鄉試中式崇禎戊辰登進士授湖州推官清獄多所平反巡按御史審其廉檄從行部庚午舉湖廣同考官癸酉舉浙江同考官甲戌大計舉卓異行日民號泣時上參用唐宋故事詔宰臣保舉可試館職者召試選用守恆考第一擢翰林院編修知制誥戊寅二月晉東宮講官一日上御殿命東宮講解論語上嘉悅出御前諸章奏命守恆裁決稱旨諭曰好侍東宮以需大用賜襲衣白金文綺由是益貴幸庚辰分校會試詩經卷得士吳從義等從義後令長安縣守城死先是上詔致治安民在守令翰林科道各舉可任州縣一人守恆舉舒城教諭孫士美擢深州知州後亦以城陷力竭死世咸服其知人秋乞終養不允辛巳以母殯未葬

父老病且死面陳泣請給假歸賜馳驛是時流寇踞江北安廬州縣殘破舒城頻年荒知縣王道光丁憂不視事守恆散財賑飢製械築城代令守冬十月延安賊張獻忠合五營賊革左回等撲舒參將孔廷訓擁兵不戰守恆與眾約曰盡忠極勞死而後已眾曰死無益也守恆曰無益將安避耶官此傳舍耳吾與諸父先人墳墓兄弟妻子所在當效死勿去或勸曰假已滿急攜家入都可守恆叱曰寇在門庭如某走城誰與守城中食盡乞糴於漕督史可法湖撫宋一鶴計口分食常自飢血戰百八十餘晝夜未解甲壬午三月賊大隊至附城五里皆圍合賊眾薄城援而上守恆騎城督戰遣死士縋城下生擒賊數十賊稍卻賊又以牛皮蒙頭用洞車穿

城城穿守恆以烈火灼油殺賊於穴復填穿合四月庚子朔賊射書入城曰胡翰林非守土何自苦不退掘汝墳墓守恆對賊厲罵燔其書次日賊眾大叫曰我等辛苦七個月皆因那長鬚漢子擒獻者賞千金與官三日壬寅孔廷訓開南門納賊守恆在城上邑人陳陽持刀迫守恆前守恆曰殺我乎曰聞賊購長鬚子公割鬚當可免守恆叱曰我為侍從臣割鬚偷生何面目再見君父整冠北拜曰臣力竭賊至迫使降不屈賊以刀刺兩膝曰尚強立不仆耶亂戟攢刺之邑民王大義竊屍裹血衣埋之幼女許字張阿蘭者聞父死大聲哭賊勸且哭且罵賊亦支解其屍同守城死者母弟諸生守初從兄諸生守身守己守素守懸從子諸生永肅永耀永佐妹諸生金生一妻姪女江教妻及永肅妻吳氏並總督漕運戶部侍郎史可法上其事贈詹事府少

詹事蔭一子入監予祭一壇遣官營葬於縣南二十里七門堰口謚文節湖州士民配守恆於安定先生祠聚而哭之復於祠後建正學樓專奉守恆曰二胡先生祠崇祀鄉賢子永亨永吉亨自有傳

府志忠義

任天成字仲玉晚號退庵諸生民仰子生而岐嶷與弟天眷天副極友愛童時聞父與客談忠孝事必求其詳客咸異之崇禎癸酉鄉試中式甲戌成進士授大理寺評事舉北京鄉試房考官所拔多名士如吳邦臣馮瑾朱之純皆出其門奉命恤刑兩浙挾摘如神及得情則哀矜多所平反死者亦自以為不冤道過舒值年饑分道設賑活人數千還朝擢江西道監察御史時上信任溫體仁又嘗遣中官王應朝等監視

諸邊餉張彝憲總理戶工二部上治亂關用人邪正一疏舉國稱快熊開元姜采直諫下獄戶科熊汝霖吏科章正宸亦以言事貶戍論救率獲罪天成功為疏請畧曰汲黯面折淮王謀寢國有直臣社稷之福昔唐太宗問魏徵曰比來朝臣不言事何也曰陛下虛心採納必有言者宋臣蘇軾有言臺諫固未必皆賢所言未必皆是然須養其銳氣而借之重權者將以折奸臣之謀而救內重之弊也矧今倭諛風生繞梁成習自數臣獲罪天下以言為戒臣願陛下赦其微愆復還諫職則挾奸懷貪擠正黨邪者尙當有藜藿難採之忌太平之基無疆之休也又上疏劾鳳督馬士英擁兵糜餉不出壽春半步並請嚴責成廣蠲恤不報詳載文甲申巡按浙江馬士

英得志罷天成官幾陷於難天成與合肥龔鼎華爲姻亞明亡鼎華仕

國朝既顯貴貽書招之不起作辭書未就以事入內妻湯氏盛服坐房中驚問故曰聞君將有行妻亦將改適矣天成笑曰相從數十年乃不知我素志耶然夫人之言金石也請卽以是爲謝使者聞之不持復書而去隱居二十餘年卒年六十

七子光世自有傳

國朝胡永亨字肇美號鹿起父守恆以明崇禎壬午城陷罵賊死永亨募死士王大義夜同入賊營負父屍還瘞之奉母避亂江南減餐活同難嫗戚有叔守初遺孤永蕃年十二遭寇掠

續修舒城縣志

卷三十三

人物志 名臣

十一

去募人遍覓得自滇之石屏歸授以田廬踰中人產更仿范文正遺法設義田廣家塾以善後康熙庚戌成進士甲子典試江西公愼自矢號稱得人尋遷戶部郎中分巡肇高廉羅道治端州鞠獄仁恕得情多所釐剔事息人甯幾於無訟長子世球自有傳次汝璧次世瓊次汝瑩俱隨官京師汝璧謹飭汝瑩儻工詩時有沈潛高明之目永亨崇祀鄉賢叔守欽字君若順治初由明經任廣東徐聞縣徐聞多土豪守欽下車甫一月擒其魁治之決無株連邑人驚喜曰吾儕何幸得此神君焚香羅拜於庭卒於任年方強仕

任之鏞字虞鍾號惺齋邑增生作噩次子弱冠有文名乾隆辛酉膺里選任通州如皋縣教諭以興賢育才爲己任修饗

序勤督課士風丕變上憲才之委辦如皋荒賑乃立法分先後別老幼無饑民擁擠吏胥侵蠹之弊事竣發粟踰額撫軍莊詰其濫鏞對曰舊例賑饑不及四五歲童穉職雖濫費千金亦冀爲國家活數千赤子耳莊改容稱歎旋委查泰州水災坐扁舟詢利病辛勤五十餘晝夜全活甚眾以賢勞卓異陞湖北竹山令蒞任後專務教化於積弊多所釐剔有朱姓與林姓訟觸前縣怒褫朱名鏞平反之朱斂族人金以酬鏞曰我持平非偏袒也何謝爲引楊震四知之語以謝歷署竹谿令在官五載未嘗用重刑民亦視如嚴師父及解任歸里寒儉不異廣文時優游林下十餘年壽七十九卒子嗣涑入國學嗣相嗣玳及曾孫炳俱遊庠

續修舒城縣志

卷三十三

人物志 名臣

十二